



**Zabrinuti** zbog nezakonitih postupaka Republičke izborne komisije u izbornom procesu za Bošnjačko nacionalne vijeće u kojima pokazuju jasnu namjeru da Bošnjacima nametnu izbornu listu čiji je nosilac Muamer Zukorlić

**Riješeni** da obezbijedimo da Bošnjaci na izborima u svečanoj i demokratskoj atmosferi bez uticaja sa strane ili bilo kakvih pritisaka mogu mirne savjesti da izraze svoju volju na izborima zakazanim 4. novembra 2018.godine za Bošnjačko nacionalno vijeće

**Konstatujući** da je Bošnjačko nacionalno vijeće ključna bošnjačka nacionalna institucija i bošnjačko opšte javno dobro;

**Opredijeljeni** da zajednički radimo na unapređenju sveukupnog položaja bošnjačkog naroda u Sandžaku i Republici Srbiji;

**Rukovođeni** namjerom da zajednički doprinesemo upostavljanju pozitivne političke klime i atmosfere u Sandžaku, te zajedničkom konstituisanju organa Bošnjačkog nacionalnog vijeća;

Grupa birača „SAMOOPREDJELJENJE“ i Grupa birača „VAKAT JE“ (u daljem tekstu: Potpisnici Sporazuma), dana 14.10. 2018. godine u Novom Pazaru, zaključuju

## **SPORAZUM O SARADNJI NA ODBRANI I ZAŠTITI VITALNIH BOŠNJAČKIH NACIONALNIH INTERESA I PREDIZBORNOJ I POSTIZBORNOJ SARADNJI**

### **Član 1.**

Potpisnici Sporazuma pozivaju Bošnjake Sandžaka i njihove legitimne predstavnike da stanu u odbranu vitalnih nacionalnih interesa Bošnjaka u Sandžaku.

### **Član 2.**

Potpisnici Sporazuma zahtijevaju od Vlade Republike Srbije i Republičke izborne komisije da odustanu od dalje favorizacije i nametanja izborne liste br. 2 čiji je nosilac Muamer Zukorlić, na štetu Bošnjaka.

Potpisnici Sporazuma zahtijevaju od Vlade Republike Srbije da prestane sa daljim smenjivanjem direktora osnovnih i srednjih škola u kojima se izvodi nastava na bosanskom jeziku u Sandžaku.

Potpisnici Sporazuma zahtijevaju od Vlade Republike Srbije odustane od zloupotrebe medija sa nacionalnom frekvencijom, javnih dobara, novca i resursa u cilju javne kupovine podrške i glasova listi br. 2 čiji je nosilac Muamer Zukorlić.

### Član 3.

Potpisnici Sporazuma zahtijevaju od Republičke komisije da poništi sve nezakonite radnje koje su preduzeli u izbornom procesu za izbor Bošnjačkog nacionalnog vijeća u korist izborne liste br. 2 čiji je nosilac Muamer Zukorlić .

Potpisnici Sporazuma zahtijevaju od Republičke izborne komisije da prekine sa daljim kršenjem i zadiranjem u Ustavom zagantovana prava i slobode građana Sandžaka, te da neodložno prekinu dalje kršenje Zakona o zaštiti podataka o ličnosti u korist izborne liste br. 2. čiji je nosilac Muamer Zukorlić.

Potpisnici Sporazuma zahtijevaju da Republička izborna komisija odustane od primjene posebnih pravila i procedura koja su uspostavljena jedino za izbor Bošnjačkog nacionalnog vijeća.

### Član 4.

Potpisnici Sporazuma pozivaju Savjet Evrope, OEBS i Evropsku uniju i sve druge međunarodne organizacije da pošalju svoje posmatrače da kontrolišu i nadziru rad Republičke izborne komisije, radna tijela Republičke izborne komisije u opštinama i biračke odbore kako bi se spriječile dalje nezakonite aktivnosti Vlade Republike Srbije u izbornom procesu za Bošnjačko nacionalno vijeće a u korist izborne liste br. 2 čiji je nosilac Muamer Zukorlić.

### Član 5.

Potpisnici Sporazuma se obavezuju da će tokom izborne kampanje, za izbor Bošnjačkog nacionalnog vijeća, voditi pozitivnu kampanju, predstavljanjem svojih izbornih programa.

Potpisnici Sporazuma se obavezuju da će svojom retorikom i javnim nastupima tokom izborne kampanje za izbor Bošnjačkog nacionalnog vijeća, doprinijeti uspostavljanju pozitivne političke klime i atmosfere u Sandžaku.

Potpisnici Sporazuma se obavezuju da se tokom izborne kampanje, za izbor Bošnjačkog nacionalnog vijeća, neće međusobno omalovažavati, vrijeđati i dodatno opterećivati opšti ambijent u Sandžaku.

## Član 6.

Potpisnici Sporazuma saglasili su se da će, kroz Bošnjačko nacionalno vijeće, zajednički raditi na ostvarivanju i zaštiti prava bošnjačkog naroda i programskih ciljeva na kojima je ostvarena izborna podrška, prvenstveno na:

- usaglašavanju nacionalne strukture zaposlenih u državnim organima i službama sa javnim ovlaštenjima u sandžačkim opštinama, sa nacionalnom strukturom stanovništva u tim opštinama;
- revizije Akcionog plana za ostvarivanja prava manjinskih naroda u okviru pregovaračkog poglavlja 23 za pristupanje Srbije Evropskoj uniji;
- usvajanju novog pravnog okvira za manjinske narode koji u sebi sadrži rješenja za probleme i potrebe Bošnjaka u Sandžaku i Republici Srbiji;
- uspostavljanju i razvijanju saradnje između Bošnjaka u Sandžaku i Bošnjaka u Bosni i Hercegovini;
- regionalizaciju i decentralizaciju

## Član 7.

Potpisnici Sporazuma obavezuju se na zajedničko konstituisanje i formiranje organa i radnih tijela Bošnjačkog nacionalnog vijeća u skladu sa ostvarenim rezultatima izbora koji će se održati 4. novembra 2018. godine.

### POTPISNICI SPORAZUMA

Grupa birača „SAMOOPREDJELJENJE“

Ahmedin Škrijelj



Grupa birača „VAKAT JE“

Esad Rahić

